



REPUBLIKA E SHQIPËRISË  
ENTI RREGULLATOR I ENERGJISË

BORDI

VENDIM

Nr. 55, Datë 03.04.2019

MBI

**PËRCAKTIMIN E ÇMIMIT TË SHITJES SË ENERGJISË ELEKTRIKE NGA  
FURNIZUESI I MUNDËSISË SË FUNDIT PËR MUAJIN MARS 2019**

Në mbështetje të nenit 16 dhe nenit 87 pika 4, të Ligjit nr. 43/2015 “Për Sektorin e Energjisë Elektrike” i ndryshuar; “Metodologjisë së përcaktimit të çmimit të shitjes së energjisë elektrike nga furnizuesi i mundësisë së fundit”, miratuar me Vendimin e Bordit të ERE-s nr. 201, datë 04.12.2017 i ndryshuar, me Vendimin e Bordit të ERE-s nr. 144, datë 25.06.2018 “Mbi rishikimin e “Metodologjisë së përcaktimit të çmimit të shitjes së energjisë elektrike nga furnizuesi i mundësisë së fundit”; nenit 15 të “Rregullores për Organizimin, Funksionimin dhe Procedurat e ERE”, miratuar me Vendimin e Bordit të ERE-s nr. 96, datë 03.09.2016, Bordi i Entit Rregullator të Energjisë, në mbledhjen e tij të datës 03.04.2019, mbasi shqyrtoi relacionin e përgatitur nga Drejtoria e Tarifave dhe Çmimeve, “Mbi përcaktimin e çmimit të shitjes së energjisë elektrike të furnizuar nga Furnizuesi i Mundësisë së Fundit” për muajin mars 2019.

**Konstatohet se:**

- OSHEE sha me shkresën nr. 7096 Prot., datë 27.03.2019 paraqiti në ERE aplikimin për miratimin e çmimit të shitjes së energjisë elektrike për klientët e lidhur në nivelin e tensionit 35 kV të cilët furnizohen nga Furnizuesi i Mundësisë së Fundit, për muajin Mars 2019. Nëpërmjet këtij aplikimi, OSHEE sh.a. kërkon që çmimi i shitjes së energjisë elektrike tek klientët e FMF për muajin Mars 2019 të jetë 13.43 lekë/kWh
- OSHEE sh.a. shprehet se për llogaritjen e çmimit të shitjes së energjisë elektrike për klientët të cilët furnizohen nga Furnizuesi i Mundësisë së Fundit ka aplikuar formulën për llogaritëse të nenit 8 të “Metodologjisë së përcaktimit të çmimit të shitjes së energjisë elektrike nga furnizuesi i mundësisë së fundit” të rishikuar me vendimit nr. 144, datë 25.06.2018

Llogaritjet e OSHEE sha për përcaktimin e çmimit të shitjes së energjisë elektrike nga Furnizuesi i Mundësisë së Fundit për muajin Mars 2019 dhe llogaritjet tona për përcaktimin e çmimit për klientët që furnizohen nga FMF për muajin Mars 2019 sipas Metodologjisë së përcaktimit të

çmimit të shitjes së energjisë elektrike nga Furnizuesi i Mundësisë së Fundit” të rishikuar me vendimin nr. 144, datë 25.06.2018, paraqiten në tabelën përmbledhëse si vijon:

Raporti i OSHEE sh.a. ne lidhje me çmimin e llogaritur per FMF per muajin Janar 2019				
Mars 2019				
		Aplikimi Oshee		Propozimi i ERE
		Njësia	Çmimi	Çmimi
a	Çmimi maksimal i blerjes ne treg te parregulluar ose blerja nga prodhuesit me perparesi	Leke/kWh	9.12	9.09
b	Kthimi per riskun i percaktuar ne perqindje per vitin (3%)	Leke/kWh	0.27	0.27
c	<b>Çmimi maksimal i blerjes ne periudhen relevante</b>	<b>Leke/kWh</b>	<b>9.39</b>	<b>9.36</b>
d	Kosto administrative te Furnizuesit te Mundesise se Fundit	Leke/kWh	1.79	1.79
e	Tarifa e perdorimit te rrjetit te transmetimit	Leke/kWh	0.75	0.75
f	Tarifa e perdorimit te rrjetit te shperndarjes	Leke/kWh	1.5	1.5
<b>Çmimi i energjise (c+d+e+f)</b>		<b>Leke/kWh</b>	<b>13.43</b>	<b>13.40</b>

- OSHEE sha për muajin Mars 2019 ka zhvilluar tre procedura për blerjen e energjisë nga tregu i parregulluar. Përkatësisht dy prej tyre janë realizuar në datën 8 mars dhe një në datën 11 mars 2019. OSHEE sha, shprehet se përcaktimi i çmimit maksimal të blerjes për muajin mars 2019 prej 9.12 lekë/kWh, i përket energjisë me çmimin më të lartë nga shoqëritë NOA shpk, Loti 2 dhe Ayen Energy Trading shpk, Loti 1, realizuar në datën 08.03.2019 për sasinë totale prej 1,120 MWh me një vlerë prej 10,188,931.2 lekë.
- Nga informacioni i OSHEE sha, mbi procedurat e blerjes së energjisë elektrike në tregun e parregulluar, rezulton se çmimi maksimal i blerjes është **73 EUR /MWh** për sasinë 1,120 MWh nga shoqëritë ofertuese NOA sh.p.k dhe Ayen Energy Trading Sh.p.k në fazën përfundimtare të negociimit në datën 08.03.2019, për periudhën 11.03.2019-17.03.2019 dhe fashën orare 7:00-23:00.
- Nga analiza e informacionit mbi procedurat e blerjes së energjisë, data e realizimit të procedurës kur u realizua çmimi më i lartë i blerjes është në datën 08.03.2019. Sipas publikimit në faqen zyrtare të Bankës së Shqipërisë në këtë datë rezulton se kursi i këmbimit është 124.57 EUR/Lekë, sikurse paraqitur më lart.
- Ashtu si dhe në vendimarrjet e deritanishme, për muajt respektivë ERE merr në konsideratë vetëm kursin zyrtar të këmbimit të publikuar sipas Bankës së Shqipërisë për ditën kur është realizuar çmimi më i lartë i blerjes. E njëjta praktikë do të ndiqet edhe për muajin mars në të cilin rezulton kursi 124.57 EUR/Lekë.
- Lidhur me përcaktimin e Kostove Administrative të Furnizuesit të Mundësisë së Fundit, OSHEE sha, ka paraqitur vlerësimin prej 1,79 lekë/kWh
- Shoqëria vazhdon të mos ketë ndarje të llogarive midis aktivitetit të Furnizimit dhe Shpërndarjes dhe nuk ka një strukturë të posaçme për evidentimin e kostove të administrimit dhe kostot e disbalancave për klientët e FMF.
- Në këto kushte mendojmë se për përcaktimin e kostove administrative (elementi CA i formulës) është e arsyeshme të pranojmë koston për njësi prej **1.79 lekë/kWh** të paraqitur nga OSHEE sha.
- OSHEE sha, sikurse edhe në periudhat paraardhëse, vazhdon të mos përcaktojë kostot e disbalancave për klientët e FMF dhe nuk deklaron nëse i faturon këta klientë për këto kosto.

- **Tarifa e përdorimit të rrjetit të transmetimit:** bazuar në Vendimin nr. 266, datë 21.12.2018 të Bordit të ERE “Mbi përcaktimin e tarifës së shërbimit të transmetimit të energjisë elektrike nga shoqëria “OST” sh.a. për vitin 2019”, është **0.75 lekë/kWh**.
- **Tarifa e përdorimit të rrjetit të shpërndarjes në nivelin e tensionit 35 kV:** bazuar në Vendimin nr. 268, Datë 21.12.2018 të Bordit të ERE “Mbi lënien në fuqi të Vendimit të Bordit të ERE-s nr. 190 datë 30.8.2018 në lidhje me tarifën e përdorimit të rrjetit të shpërndarjes sipas nivelit të tensionit dhe çmimet me pakicë për për klientët fundorë që shërbehen nga furnizuesi i shërbimit universal për vitin 2019” është **1.5 lekë/kWh**.
- Për sa përcaktuar për çdo element të formulës përlllogaritëse, rezulton që çmimi i shitjes nga Furnizuesi i Mundësisë së Fundit është **13.40 lekë/kWh**, për muajin mars 2019.

Për gjithë sa më sipër, Bordi i ERE-s,

### **Vendosi:**

1. Miratimin e çmimit të furnizimit me energji elektrike nga Furnizuesi i Mundësisë së Fundit prej 13.40 lekë/kWh për muajin mars 2019.
2. Drejtoria e Juridike dhe e Mbrojtjes së Konsumatorit, të njoftojë aplikuesin për Vendimin e Bordit të ERE-s.

Ky vendim hyn në fuqi menjëherë.

Ky vendim botohet në Fletoren Zyrtare.

Për këtë vendim mund të kërkohet rishikim, brenda 7 diteve nga data e marrjes së vendimit, në ERE dhe të bëhet ankim në Gjykatën Administrative Tiranë, brenda 45 ditëve kalendarike nga botimi në Fletoren Zyrtare.

**KRYETARI**  
**Petrit Ahmeti**